

宋靈芝律師撰

授大乘菩薩戒儀式

法界學苑印贈

愿消三障诸烦恼
愿得智慧真明了
普愿罪障悉消除
世世常行菩萨道
众生无边誓愿度
烦恼无尽誓愿断
法门无量誓愿学
佛道无上誓愿成
愿生西方净土中
九品莲花为父母
花开见佛悟无生
普利一切诸含识

妙法莲华经

观世音菩萨普门品图证

佛历二五三二
公元一九八八年夏戊辰秋印

印行者

浙江天台山国清寺

流通处

浙江天台山国清寺

江西庐山

山东林寺

苏州木渎

灵岩山寺

安徽九华山

佛教协会

浙江普陀山

普济寺

山西五台山

大显通寺

吉林长春

般若寺

沈阳市

佛教协会

印刷者

上海场南印刷厂

福建莆田广化寺
佛教内部流通

授大乘菩薩戒儀式目次

- 第一 求師授法
- 第二 請聖證明
- 第三 归佛求加
- 第四 策導勸信
- 第五 露過求悔
- 第六 請師乞戒
- 第七 立誓問遮
- 第八 加法納體
- 第九 說相示誠
- 第十 叹德發願

授大乘菩薩戒仪式

政和元年岁在辛卯

安居中为众僧录出

宋余杭郡沙门元照撰 六世法孙道询集

第一求师授法

依菩薩戒羯磨文請 教者云：

夫欲受菩薩戒，必先請師策導開解令于一切境上起慈憫心，若非人授，戒無從發。今為汝請某律師為授菩薩戒師，故須專秉一心，恭陳三請：大德憶念我某甲于大德所乞受一切菩薩淨戒，惟願須臾不辭勞倦，默聽受。三請。

戒師答云：可授汝菩薩戒，當攝心谛受不得浮散：

第二請聖證明

戒師先為請三寶諸天，同來作證。由佛出世建立戒法。當須至誠，

想随师召请云：

弟子某甲稽首归命，一心虔请尽虚空界极微尘数常住三宝，清净法身毗卢遮那佛，圆满报身卢舍那佛千百亿化身释迦牟尼佛，当来补处弥勒尊佛，极乐世界阿弥陀佛过去七佛贤劫千佛，十方三世一切诸佛，大小两乘毗尼戒法，十二分经甚深法藏，文殊师利菩萨，普贤菩萨，观世音菩萨，大势至菩萨，十方三世诸大菩萨，最初得戒妙海王子，西天此土传法祖师四依菩萨，缘觉声闻三乘贤圣，唯愿慈悲闻我奉请，显现道场，证明受戒。

弟子某甲一心虔请护法诸天，大梵天王，帝释天王护世四王，天龙八部，三界万灵赏善罚恶一切天神，国内五狱四瀆，名山大川，江河潭洞主执龙神，当地城隍社庙属内神祇，诸处寺院护伽藍神守正法者，惟愿聪明闻我召请同赐降临悉来守护。

弟子某甲一心虔请十方法界，六道四生，一切含识，现前受戒合道场人，无量劫来生身父母，先亡后逝上代宗亲，亡歿已后未解脱者，愿乘三宝威神力故，俱到道场同沾戒善。

第三归佛求加

凡欲受戒，先須归依，由无始来背舍三宝，随逐邪魔，没溺生死，无所依归。故于今日翻邪归正，立重誓愿，毕此一生，尽未来际，归投三宝。乞求加护直至成佛，承事供养，不相舍离。十方法界已成正觉一切如来，是为佛宝。十方法界诸佛所说十二部经，是为法宝。十方法界三乘贤圣，是为僧宝。仍了自心一体三宝，与彼境界无二无别。应須合掌互跪，随师语云：我某甲从于今身直至佛身，于其中间归依常住佛，归依常住法，归依常住僧。三说

我某甲从于今身直至佛身，于其中间，归依常住佛竟，归依常住法

竟；归依常住僧竟。三结

哀悯覆护我，令法种增长，此世及后世愿佛常摄受。

第四策导劝信

诸佛子，此菩萨戒是：三世十方諸佛成佛菩提基本，諸大菩薩修行模範。若不受此戒，欲脫生死苦，无有是处；欲破业障，无有是处；欲入菩薩位，无有是处；欲成佛果，无有是处。華嚴云：戒是无上菩提本，应当具足持淨戒。若能坚持于淨戒，是则如來所赞叹。涅槃云：欲見佛性，证大乘涅槃，必須深心修持淨戒。梵網經云：众生受佛戒即入諸佛位。又云學佛不受此戒，名為外道邪見人輩，畜生无异，木头无异。薩遮尼捷經云：如來功德之身，以受戒為本，以持戒為始。故知不受菩薩戒者，纵學佛法，勤苦修行，經千万劫，只名众生。欲脫轮回，終无得理。是以西竺國王受位，百官上位，皆先受此戒。蓋欲饒益境邑

人民宁可受已破，不可不受。若受已破，是佛弟子；若不受者，是名外道。经云：簷葡华虽萎，犹胜一切花。破戒诸比丘，犹胜诸外道。诸佛子，六道之中，无量众生受三途苦，不闻佛法，纵得为人，生处边夷，不闻佛法；或遭乱世，不遇佛法；荒迷声色，不遇佛法；愚痴邪见，不遇佛法。今既生值明时，遭遇佛法，诸根明利识知善恶；佛法僧宝，处处兴隆，可谓万劫难逢，千生一遇；若不自省自策，自立自修，诸佛威神，无为汝处。无常迅速。生死无期，一旦横骸，识神无主；欲受佛戒，何由可得。还沉恶道，长劫受苦，未有出期，如来说为可怜愍者。丈夫刚猛，得不自思耶。（如是种种随机策劝，令发胜心）。

第五露过求悔

凡欲受戒，思念无始已来，三业六根所造诸恶，无量无边，说不可尽，若不发露，障戒不发，障净土门，障菩提路。追过自责，仰对三宝

求哀忏悔，护国戒经云：佛言：若诸佛子，欲得成就阿耨菩提，若欲善能知自心者，若有欲以大慈悲手于生死泥拔众生者，应先发起大慈悲心，普为众生归依三宝，受菩萨戒发菩提心。至诚忏悔。当随师，教作如是言：

惟愿十方一切诸佛，及与地住得金刚智诸大菩萨。当证知我，当忆念我。我某甲等发菩提心，未住妙道，今将身命，归依十方一切三宝，惟愿诸佛诸大菩萨，起慈悲心，哀愍摄受，我某甲等，自从无始流转已来，处在三界生死轮中，沉溺恶趣，入苦笼檻，顛墮诸恶；无明罗刹有大力势，诸烦恼冤长夜逼迫。无主无救无归无依，无有所趣，无有教导；住于邪见险恶道中，趣向生死，背舍涅槃；入三恶道，不能自出，堕于险恶广大深坑。追逐恶友，随顺恶教，远离一切诸善知识，都不觉知何者为损，何者为益；何者是善，何者是恶。为不善法，系著不舍，背棄一切三乘圣人；长夜常为生老病死，忧悲苦恼，种种业惑之所罗

网，忧迫恐怖。恒失本心自性寂静，远离种种三摩地门陀罗尼门，诸地
诸忍波罗蜜多甚深住处。亦复远离慈悲喜舍诸菩萨戒，四无碍智六通十
力，四无所畏，无忘失法、无住涅槃。一切睡眠，我身具足；一切功
德，我身空无；七菩提分、八圣道分，如是等法，百千万种，悉皆远
离。无数苦恼障碍留难，恒所恼害。惟愿诸佛诸大菩萨，起大慈悲哀悯
护念，为我为主、为救为归、为依为趣。愿令我等速得圆满大菩提道，
及为无量菩萨眷属，如来十力，四无所畏，四无碍解，十八不共，四摄
三昧，解脱总持，六通诸度，福德智慧，如是一切诸功德海，愿令我等
皆得具足。次当说罪求悔。

至心忏悔，弟子某甲，自念此身无量劫来，于诸众生无慈悲心，故
相杀害，互相食噉。不念众生，皆惜身命，不念众生具有佛性，不知众
生是我先世父母六亲，纵恣口腹，贪嗜滋味，与诸众生作大冤结。以是

因缘，堕落生死，流转三界，不生净土。不得成佛。从今受戒，誓断杀害，常行慈悯，不食众生身分血肉。以此净业，普与众生庄严净土，誓求作佛。

弟子某甲，自念此身无始时来，于诸众生无饶益心，故相侵夺。不念众生护惜财物，与己无异。斗秤欺詐，亏刻于人。侵损常住，现前僧物。贪他恪己，不知厌足。以是因缘，堕落生死，流转三界。不生净土，不得成佛。从今受戒誓断偷盗，常行饒益，救济贫苦，不生慳惜。以此净业，普与众生庄严净土，誓求作佛。

弟子某甲，自念此身无始至今，于诸男女耽染淫色。不择亲疏，不思浊净，趣向前境，作非梵行，毁犯佛戒。不畏恶道，无有慚耻。以是因缘，世世生处，堕在胞胎，受秽污身。不生净土，不得成佛。从今受戒誓断淫欲，修清净行。以此净业，普与众生，庄严净土，誓求作佛。

弟子某甲，自念此身，于诸众生多行詖诳，欺罔于人。妄语绮语，恶口两舌，破灭佛法。毁骂僧尼，讥刺善人，党护不义。见言不见，不见言见，復藏己非，推求他过。以是因缘，千生万劫，受虚妄报；远离真实，不生净土，不得成佛。从今受戒，誓断妄语，说如实语，说如法语。以此净业，普与众生庄严净土，誓求作佛。

弟子某甲，自念此身，从无始来，贪饮药酒，昏神迷性，乱动诸根。不辨尊卑，不知善恶，增长愚痴，覆没智慧。以是因缘，堕落生死，受愚痴报。不生净土，不能成佛。从今受戒誓断饮酒，收摄诸根，常修正念。以此净业，普与众生庄严净土，誓求作佛。

如是五种极重恶业，当知即是生死根本，众苦之源，障净土门，碍菩提路。如是恶业，未受戒前，充塞空虚，偏周法界。若不忏悔，若不誓断，生死尤路，出入无门，从今受戒，誓断五种极重恶业，翻成五种

清净戒根。若后再犯，即是欺謗三宝诸天。现生之中诸恶集身，招不如意，死入地狱，受无量苦，无解脱期。

仰愿三宝护法诸天常加护念，令我罪根皆得消灭，令我行愿悉得满足。同声念佛。

第六请师乞戒

我未甲，一心奉请释迦牟尼佛为戒和尚，我依我佛故，得受菩薩戒，慈愍故。三请或一请。

我未甲一心奉请文殊菩薩为羯磨阿闍梨，我依菩薩故，得受菩薩戒，慈愍故。

我未甲一心奉请弥勒菩薩为教授阿闍梨，我依菩薩故，得受菩薩戒，慈愍故。

我未甲一心奉请十方諸佛为尊证阿闍梨，我依諸佛故，得受菩薩

戒，慈愍故。

我未甲一心奉请十方诸大菩薩為同學法侶，我依諸菩薩故，得受菩薩戒，慈愍故。

惟願釋迦本師十方諸佛，諸大菩薩他心道眼，無碍見聞，鑒我虔誠，受我奉請，不違本誓，怜念眾生，慈悲攝受，方便拔濟，尽未來時，為作依怙。請師已，乞戒云：

仰白十方盡虛空徧法界一切諸佛大地菩薩僧，此未處佛菩薩像前，諸佛子等，今從諸佛菩薩，乞受一切菩薩淨戒。是諸佛子，已是真實能生深信，發菩提心，行菩薩道。惟願諸佛菩薩，布施諸佛子等三聚淨戒。三乞。

諸佛子！三聚戒者，聚以包攝為義。一切戒法，三种攝盡。一者攝律儀聚，律儀禁惡，无惡不斷。所謂殺盜淫妄等，乃至煩惱无明永盡成

法身佛，名为断德。二者摄善法聚，无善不修，所谓发起智慧，修习世出世间一切善法，六度万行，不取不舍，习行方便，自利利他，成报身佛，名为智德。三者摄众生聚，无生不度，所谓六道四生，含灵抱识，方便导引，同归佛道，成应身佛，名为恩德。诸佛子当知三聚戒体，即是三佛因种。经云：众生受佛戒，即入诸佛位，此之谓也。

第七立誓问遮

立誓要期，是得戒本，带遮輒受，障戒不生。当須审问，随问而答。先立十誓，果能行者，当須答能。

诸佛子！汝从今身已去，能常念佛亲近善知识否？答能
汝从今身已去，能舍离一切恶知识否？答能

汝从今身已去，若见一切众生苦恼，能随力救否？答能
汝从今身已去，能尽形寿随力供养三宝否？答能

汝从今身已去，能舍诸懈怠，发起精进勤求佛道否？答能

汝从今身已去，能孝养父母，敬事师长否？答能

汝从今身已去，于五尘境烦恼生时，能制伏心否？答能

汝从今身已去，能于无上菩提生信心否？答能

已立十誓次问七遮：

诸佛子，受佛净戒，必须身器清净。梵网经云：若具七遮，即身不得戒，无七遮者得受。良由七种逆业能障净戒，故并名遮。有即言有，无即言无。当如实答：

一、汝非出佛身血否？答无

二、汝非杀父否？答无

三、汝非杀母否？答无

四、汝非杀得戒和尚否？答无

五、汝非杀得戒闍梨否？答无

六、汝非破羯磨转法轮僧否？答无

七、汝非杀阿罗汉否？答无

诸佛子汝今身无遮难，甚是净器，戒可得受，众圣同庆须臾之间，入诸佛位。

第八秉法受戒

今依藏中菩萨羯磨文，乃玄奘三藏翻出。凡羯磨法须准佛言，不可妄自加减，应先告云：

诸佛予，将作羯磨，授汝戒法。此戒法者，即是十方三世诸佛菩萨积劫熏修无量功德。诸佛已证菩萨今修，假彼羯磨圣法，动彼法界无量功德，注入身心，永作菩提成佛种子。此身有谢，彼法不失。将来生佛净土莲华中身，以至成佛果上百福庄严，威神妙用，即是今日所受戒